

AUGLÝSING

um verðjöfnun vegna útflutnings sjávarafurða í desembermánuði 1990.

Samkvæmt 6. gr. laga nr. 39, 15. maí 1990, hefur hlutfall af andvirði sjávarafurða sem inn- og útgreiðslur skulu miðast við vegna útflutnings í desembermánuði 1990 verið ákveðið sem hér segir:

1. Afurðir deildar fyrir unnar botnfiskafurðir: Innborgun 3,9%
2. Afurðir deildar fyrir óunnar botnfiskafurðir: Innborgun 3,9%

Auglýsing þessi öðlast þegar gildi.

Sjávarútvegsráðuneytið, 26. nóvember 1990.

Halldór Ásgrímsson.

Gylfi Gautur Pétursson.

REGLUGERÐ

um Skákskóla Íslands.

I. KAFLI

Hlutverk og stjórn skólans.

1. gr.

Skákskóli Íslands starfar á vegum Skáksambands Íslands og í samvinnu við menntamálaráðuneytið.

2. gr.

Hlutverk skólans er að annast skákkennslu og að efla vöxt og viðgang skáklistarinnar á Íslandi. Það gerir hann m.a. með því að:

- reka skákskóla í höfuðstöðvum Skáksambands Íslands,
- halda námskeið í skák á landsbyggðinni í samvinnu við skóla og taflfélög,
- efna til fjöltefla í samvinnu við félagasamtök og skóla og eftir óskum þeirra,
- standa fyrir skákbúðum að sumarlagi eftir því sem tilefni gefst til og aðstæður leyfa í samvinnu við ýmsa aðila,
- skipuleggja skákstarf í grunnskólum í samvinnu við skólana,
- hafa ásamt Skáksambandi Íslands umsjón með „Skólaskák“ og þátttöku grunnskólanema í keppnum erlendis.

3. gr.

Skólastjórn Skákskólans er skipuð þremur aðilum til þriggja ára í senn. Menntamálaráðherra skipar einn og Skáksamband Íslands tvo, þar af annan í samráði við Félag íslenskra stórmeistara. Þóknun til skólastjórnar greiðist af Skákskólanum.

Skólastjórnin skal m.a.:

- ráða skólastjóra,
- gera fjárhagsáætlun fyrir skólann í upphafi skólaárs í samráði við skólastjóra,
- ákveða skólagjöld (námskeiðsgjöld),
- samþykkja ráðningu kennara eftir tillögum skólastjóra,
- ákveða námsframboð og starfsáætlun í upphafi skólaárs eftir tillögum skólastjóra.

4. gr.

Skólastjóri starfar í umboði skólastjórnar.

Skólastjóri skal m.a.:

- ráða kennara að skólanum með samþykki skólastjórnar,
- hafa umsjón með námi og kennslu í skólanum og annast daglegan rekstur hans,
- gera starfsáætlun fyrir skólann og leggja hana fyrir skólastjórn í upphafi skólaárs til samþykktar.

II. KAFLI

Skipulag skólans.

5. gr.

Nám í skólanum fer fram í tveimur deildum, almennri deild og framhaldsdeild.

Nám í almennri deild er opið öllum og greiði nemendur námsgjald sem skólastjórn ákveður. Nám í deildinni fer fram í námskeiðsformi og geta námskeiðin verið mislög. Gert er ráð fyrir 16–20 nemendum í hverjum hópi. Boðið skal upp á byrjendakennslu og nánar skilgreind framhaldsnámskeið svo sem um byrjanir, miðtafl, endatöfl o.fl.

Í framhaldsdeild eru nemendur valdir og skólavist ókeypis. Hvert kennslutímabil samsvarar tveimur önnum, þ.e. sept.–des. og jan.–apríl. Valið skal í deildina á grundvelli inntökuþrófs í upphafi haustannar. Kennslutími skal vera 4–6 stundir á viku og nemendafjöldi í deildinni 10–15.

Stórmeistarar á launum skulu hafa fræðsluskyldu við framhaldsdeildina m.a. á þann hátt að fara yfir og skýra nýjar skákir.

III. KAFLI

Gildistaka.

6. gr.

Reglugerð þessi er sett samkvæmt lögum nr. 76/1990 um Skákskóla Íslands og öðlast hún gildi 1. janúar 1991.

Menntamálaráðuneytið, 20. nóvember 1990.

Svavar Gestsson.

Árni Gunnarsson.

AUGLÝSING**um breytingu á gjaldskrá Hitaveitu Siglufjarðar.**

Samkvæmt 29. gr. orkulaga nr. 58, 29. apríl 1967 hefur ráðuneytið staðfest eftirfarandi breytingar á gjaldskrá Hitaveitu Siglufjarðar, er taki gildi 1. desember 1990:

Gjaldskrá Hitaveitu Siglufjarðar, nr. 103, 26. febrúar 1990, með síðari breytingum:
Allir liðir gjaldskrárinnar hækki um 2,83%

Iðnaðarráðuneytið, 27. nóvember 1990.

F. h. r.

Björn Friðfinnsson.

Guðrún Skúladóttir.